

千眼千臂觀世音菩薩陀羅尼神呪經卷下

唐總持寺沙門釋智通譯

今時觀世音菩薩說是呪時三千大千世界乃至非想非非想天六反震動色究竟天摩醯首羅戰慄不安皆大恐懼一切惡鬼皆大叫喚受大苦惱東西散走莫知所趣十三此時化

游談

身語諸大衆及諸惡鬼神等若不隨順我呪者違逆者頭破粉碎此呪能摧碎諸山乾竭大海水此呪能摧伏阿脩羅軍護諸國土此呪能摧伏一切惡鬼一切諸病一切惡毒一切惡人此呪能摧碎三十三天皆令降伏若善男子有能誦持此呪者其人威力說不可盡此呪能令誦持之者豪貴自在亦能令國王終身愛念稱意所求悉皆滿足若欲降伏魔怨者當燒求羅香誦我身呪二十一遍欲令一切人愛已者呪楊枝二十一遍口嚼之即得愛敬欲令自身辯才智慧者呪菖蒲一千八遍塗其心上即得辯才無礙作梵陀羅

尼心印

千眼千臂觀世音菩薩辯才無礙印呪第十三印曰以兩手相背合掌大母指向前舒此印能自護護他當須結界隨所遊方或呪淨水或呪淨灰各呪七遍所在住處以手掬水掬灰先自灑身然後向於四方四角如法散灑若有善男子善女人被諸惡鬼衆邪魘魘之所惑亂者取石榴枝及柳枝陰誦此呪輕打病人無病不差呪曰

南無薩婆佛陀達摩僧祇比耶 南無阿利耶婆盧吉佉攝伐羅嗎 菩提薩多跋寫南無跋折羅波尼寫菩提薩多跋寫 跢姪

他 徒比徒比迦耶 徒比娑羅闍毗羅尼

馱磡訶

此呪印能降伏諸邪見外道若有善男子善女人於晨朝時日三時各誦一遍者即與種種供養十億諸佛無有異也永不受女身命終之後永離三塗即得往生阿彌陀佛國如

來授手摩頂汝莫怖懼來生我國現身不被橫死不爲鬼神之所得便

千眼千臂觀世音菩薩碎三千大千世界滅罪印第十四

印曰起立以左手向前展臂五指向前散托豎五指次以右手大母指屈在掌中以四指神呪下

把拳當右耳上當誦身呪頭拍來去此印日別須三時一時誦七遍能滅五逆四重罪於一切衆生生慈悲心即能燒一切罪根此身滅後即得值佛於彼佛土得作轉輪聖王復得陀羅尼慧名曰無盡藏復得陀羅尼三昧智等復得身中二十八種相現身不患眼舌

耳鼻等病乃至身中一切疾病悉能消滅若有先業罪者亦得消滅若見天旱時取烏麻子和蓖麻子脂作丸呪一百八遍擲著湫水中即得雨若雨過多取稻穀炒作華取蔓菁子脂和作丸呪之一百八遍擲著湫水中雨即止

千眼千臂觀世音菩薩降伏三千大千世界魔怨印第十五

印曰以五指相又左壓右急把拳當頂上著誦身呪即降伏若作此法向舍利塔前二十九日夜取白檀香作末塗地作曼荼羅其中散種種華澡浴清淨著新淨衣手把香鑪燒

沉水香面向東坐呪一千八遍此是寂初功能又取芥子烏麻著一處擣爲末以三指撮取少許呪之一遍擲著火中如是七日日別誦一百八遍然所作皆悉成就

千眼千臂觀世音菩薩廣大無畏印第十六印曰起立並足先以右手仰垂左肘膝頭左

手亦如之於舍利像前誦身呪一百八遍即得無畏施於衆生又取槐香白芥子菖蒲捨多婆利外國藥以此等物內火中燒之燒火之時應於佛前或在淨處誦呪三十二遍以香華供養呪法悉皆成就所爲之者皆悉剋果若餘呪無驗以此呪呪之亦皆成就若欲乞

夢誦此呪并作印眠即有夢隨所欲見皆得見之若人無福所向不諧者日誦三遍呪滿七日諸有所求一切皆得尔時菩薩在娑竭羅龍宮海會說法見諸龍衆受大苦惱愍諸龍衆爲度苦惱衆生悉得離苦無諸怨害尔時龍女獻一寶珠價直娑婆世界爲求法故

吾爲廣說離諸苦難

千眼千臂觀世音菩薩水精菩薩護持千眼印呪第十七

尔時水精菩薩爲欲利益護持此呪而說呪曰

毗摩隸 摩訶毗摩隸 郁呵隸 摩訶郁

呵隸 休摩隸 摩訶休摩隸 薩訶隸

止隸睇 馱婆訶

若有善男子善女人在所遊方受持此千眼千臂菩薩法者我當常隨衛護乃至諸魔眷屬無惱乱者若人急難他國相侵盜賊逆乱當取五色縷結誦呪二十一遍作二十一結

繫於左臂又以左手無名指中指頭指把拳大母指壓上展小母指指所至賊方誦呪七遍悉皆退散不能爲害尔時觀世音菩薩在雪山中說法觀見夜叉羅刹國中人民唯食衆生血肉無有善心菩薩爲欲利益方便教化衆生以神通力尋至彼國現千眼千臂降魔身說成就姥陀羅尼法尔時羅刹國王來至我所求哀頂礼我以成就印印之即得成無上道

千眼千臂觀世音菩薩成就印第十八

印曰起立並足合掌當心以小指相义左壓

右誦身呪二十一遍種種皆得成就若救六

摩訶

十六

佛

道苦難衆生當用輪印印曰以十指頭各相拄開腕掌中使開其指間各相去一寸許即是菩薩在六道循環度諸苦難以此印輪迴悉得離苦此印法拔吒那羅延長年師繞翻便即歸國并將所翻之本智通畢竟尋逐不得過於一僧邊得梵本譯出在外無本

千眼千臂觀世音菩薩成等正覺印第十九
印曰結加趺坐先以左手舒五指仰掌在左
膝上次以右手舒五指覆手捺右膝上此與
滅盡印法同呪過去未來現在諸佛皆同此
印得佛菩提此印能除一切業障若坐禪諸
法不現前者當七日七夜於阿練若處誦此
陀羅尼并此印法至心念佛晝夜六時懺悔
即得諸法現前及所得福無量無邊不可稱
計

千眼千臂觀世音菩薩呼召三十三天印第二十
印曰先以左手四指把拳次以右手握左手
大母指亦如把拳令左手大母指在右手虎

口中出頭以右手頭指來去呪曰

唵 俱智俱智 二俱那利 三遮利遮利 四遮

犁 五蘇婆訶

此陀羅尼印呪不可思議若善男子善女人
臨欲眠時誦此呪一百八遍心中所願於夢
寐中悉得知見若能日日誦者亦能滅一切

男

神咒下

十七

罪不失菩提心其人昏夜寐夢漸漸增廣皆
得吉祥乃至夢見如來在菩提樹下授記成
道乃至釋梵諸天常來侍衛

千眼千臂觀世音菩薩呼召天龍八部鬼神
印第二十一

印曰起立並足先以左手大母指屈在掌中

四指把拳當心上著次以右手亦如之以右
手在右耳邊以頭指來去呪曰

南無尼健陀 一南無阿利闍波陀 二馱婆訶
三南無阿利闍羅馱婆訶 四埵醯夷醯 五馱

婆訶

此呪印若善男子善女人受持讀誦者知七

世宿命毒蛇不敢螫毒藥自然除刀不能害
王亦不能嗔永劫不受地獄苦苦誦此呪時
二十八部鬼神來誦呪人邊坐聽誦呪若善
男子善女人為鬼魅所著以白縷為呪索一
遍一結如是四十九結繫其咽下其病即除
若國內災疫流行國人死亡多者當取國王

池中蓮華一百八莖一華各咒一遍擲著火中燒令蕩盡災疫即除

千眼千臂觀世音菩薩解脫印第二十二

印曰結加趺坐先以左手中指與大母指頭相捻仰掌向上餘三指散展置於左膝上次以右手亦如之覆手置於右膝上誦身咒二

十一遍所願悉皆滿足諸有苦惱悉皆解脫若善男子善女人具造十惡五逆等罪如闍浮提履地變為微塵一一微塵成於一劫是人造若干等罪應墮地獄歷劫受苦永無出期是善男子善女人能於舍利及佛像前白月十五日一日一夜不食結印誦咒滿一百

八遍如上諸罪苦惱悉皆消滅若不滅者無有是處此印智通本上先無智通於涼州達一婆羅門僧有此梵本遇會勸之更有此印自得受持大有功效不可思議

千眼千臂觀世音菩薩自在神足印第二十三
印曰起立先以左手握左脚大母指如把拳

次以右手握左手腕背上誦身咒七遍欲進千里不以爲難誦咒之時勿令聲出

千眼千臂觀世音菩薩神變自在印第二十四
印曰先以左手大母指捻小指甲上次以右手亦如之餘三指各散豎合腕相著置於頂上誦身咒二十一遍皆得遊行自在昔有蜀

賓國僧闍提於北天竺求得此梵本未曾翻譯自得受持威力廣大不敢流傳智通於此僧弟婆伽伽邊得本依法受持功效不少唯不流行於世此本絕無後同學得者願同功力

請千眼千臂觀世音菩薩王心印咒第二十五
印曰兩手合掌虛掌內合腕二頭指來去呪曰

唵阿嚩力帝嚩路迦夜 毗社耶薩婆鑠
觀噓合鉢囉麼馱那 迦囉耶併泮莎訶

尔時觀世音菩薩告諸大眾言若佛滅後於末法時五百年中闍浮提人忽眼見及耳聞

磧砂大藏經

千眼千臂觀世音菩薩陀羅尼神咒經

影印宋元版

我此法印陀羅尼法門者當知此人過去已
曾供養無量諸佛今得值遇得我此法印陀
羅尼抄寫受持讀誦如法修行者即得初地
速成佛果得阿耨多羅三藐三菩提

沈茂敬書

千眼千臂觀世音菩薩陀羅尼神咒經卷下

大宋國平江府長洲縣道義鄉臨頓橋南街東西居住奉

三寶弟子周康年同妻辛氏夏八娘男文炳媳婦陸氏張孫男真郎

恭專情旨思念夙何片善生處中華幸衣食而粗周荷

龍天而叶贊重念三界猶如火宅百年喻若風燈塵勞汨沒以無休

癡網交纏而不止茲遇本府磧砂寺刊造大藏經板由是深思佛

語諦信經言投機誠於諸佛會中植福田於龍宮海藏是以謹

施淨財參百二十九貫六百二十文入局開雕千眼千臂觀世音菩薩

陀羅尼神咒經一卷計九千二百三十一字流傳佛教四茲巨善舉伸報為

先考周四五承事亦先妣太若沈氏孟娘李先室孫君潘氏大娘于

樂此良因莊嚴淨土成就菩提仍乞懺悔多生業障積功竟尤仗

佛力以消融藉經緣而盛澤然後四恩普報三有同資法界眾生

齊成佛道 歲次甲辰溥祐四年四月 日周

康年謹題